

Յաւուրս Յունիսի ոչ գայր նաւս ցորենոյ, եւ ոչ եւս պակասեցուցանէր զկշիռ հացին, վասն որոյ եւ ի տեղիս տեղիս սուղ գտանէր. որում սակի ելեալ զայմախամն ի զօլ՝ զբազում հացածախս գանեալ մինչ մահու հասուցեալ, և զոմն ի թի տվեալ և զմինն կախեալ. մինչչեւ մեռանել այնմ հասուցանէ արս զի զպարան կտրեսցէ ի կախաղանին, և յորժամ անկեալ կիսամեռ՝ յետ Զ և Է ժամուց մեռանէր: Զումեմն զողոյ զծեռս հատին յաւուրս և զմինն կախեցին ի Պարմաղափու ասացեալ տեղին: Մանկունք Բ մինն զմիւսն հարեալ դանակաւ և մեռաւ, և վճիռ արարեալ զի տարան զսպանողն ի մէջ բաղանեաց և պէրպէռն ծակեալ զթեւն, զի հոսելով արեանն պակասէր կեանքն և մեռանէր:

Իսկ յաւուր տօնի Պէնտէկոստէի ժ. Յունիսի առաջին պահու երեկոյին անկաւ կրակ մերձ Տաւութ փաշայի ճամբոյ և վառեցաւ մինչ ի չորրորդում պահու գիշերոյն տունս ի և ի տամբ աւերեցաւ. վասն որոյ և զող մի կախեցին ի Պարմաղափուն և յԱղսաւրայն և ի Սուլտան Մէհմէտ ճամին, զորոց ասէին կրակ ընկեցեալ, և զոմն ևս որ էր սպասաւոր ճամոյն վերոյ ասացելոյ և զարձիճն զողանայր հանապազ, զոր ի վերայ նորա ստուգեալ սպանին:

Յաւուրս գային ամենայն սպահք¹⁾ յէտրէնու, ոչ ունել պատերազմ, որ ասին թէ յետ օլօֆին պայրամի՝ յաւուր միում մինչ ի հասարակել աւուրն ժ.ԶՌ արս յաւել եհան ի քաղաքէն, զի մի անդէն նստեալ նեղասցին ի սովոյ, և զինքն ևս՝ զի անդ ևս սակաւանայր հացն յահագին յամարանս և յամենայն տեղիս չթանայր երկիր ի ցողոյ անձրեաց յըսկիզբն Ապ-

1) սփահր.